

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺
觀
卷

（133）



國家圖書館出版社

中國地方志佛道教文獻匯纂·寺觀卷

浙江省 嘉興市

嘉興舊記

佚名纂修

據劉緯毅等輯《宋遼金元方志輯佚》排印

(嘉興)舊記 宋志

元人引稱《舊記》，當爲宋志，然不知是何書；其時海鹽、崇德皆隸嘉興府，姑作一志備考。

(寂照院)天欲雨，二石佛身濕如汗。(《大元大一統志》卷七九一《崇德州》)

中國地方志佛道教文獻匯纂·寺觀卷

浙江省 嘉興市

嘉禾志

元·徐碩纂 清·管芷湘補校

元至元二十一年（一二八四）修

清道光十九年（一八三九）補校

咸豐七年（一八五七）刻本

嘉禾志卷第十

寺院

錄事司

報恩光孝禪院在郡治北一里

考證舊施水院也宋治平閒本州慕容殿丞請
於朝至熙甯元年賜名壽聖院崇甯二年賜名
崇甯寺政和六年改名天甯萬壽院紹興七年
改名廣孝院紹興十二年改今名

精嚴寺在郡治西北一百八十步

考證晉成帝時徐尚書別業

尚書按舊靈光寺
實錄名恬今土地

記名
熙 因夜井發光遂奏請捨宅爲寺賜名靈光

錢文穆王時立山門掘地得一小龜介甲分明
尾繞身一帀遂改爲靈龜寺天福四年陞縣爲
州時敕本寺應瑞吳越呈祥天下不許改額復
名靈光宋祥符中賜今額元有沙門洪敏靈光
寺碑記今刻石不存寺之西北有五臺山內石
經屋一十二間刻法華維摩等經又有大藏殿
東西塔廚混堂淨土水陸諸院千佛羅漢大悲
天王諸堂自建炎兵火後石經獨存餘者悉更
新之又有木紋觀音殿咸通年間立至今飛禽

不立未鐫造前其木在水濟人遇淨卽浮蓬羶
卽沈人知不凡取爲尊像鐫製纔畢面目手指
皆有紋彩時人稱爲木紋觀音其殿在五臺山
西南兵火後移於寺之東廡紹興十一年境內
雨暘失時邦人禱之歲以有年於是鳩工度材
而重立之凡遇水旱則郡侯必先率同僚請禱
焉以爲常

招提院在郡治西二里

考證唐光啟四年曹刺史捨宅爲院賜名羅漢
院宋治平四年改今名寺有靜照堂今廢

兜率寺在郡治東北一里

考證舊放生池也唐乾元元年置名法空寺錢氏改爲輪王寺宋大中祥符元年賜名兜率德祐元年廢爲教場今爲北營

慈恩院在郡治西北一里楞嚴寺之西

考證唐開寶六年漢南王時攝刺史丁太尉在任買甃塔一所尋掘塔基得石無量壽佛一石相輪一石香鑪一舍利一龕一因立爲無量壽塔院宋治平年中賜今名

普濟院在郡治西北一里慈恩寺之西南

考證元名金魚寺以刺史丁延贊得金魚於池而池在寺之前故以名宋大中元年賜今名後移往華亭作衛尙書功德院遂廢

楞嚴院在郡治西北二里三十步慈恩寺之後

考證本受業精嚴因遭火焚毀元地充米倉有昔許射廨宇宋嘉祐八年百姓鈕咸有地在慈恩塔東因舍入本院熙甯年間有旨一應寺院未有名額有屋及三十間者並以壽聖爲額僧無擇已造至三十四間遂有請於提刑朱明之聞於朝存之後僧永和在院講楞嚴經蔡丞相

書楞嚴牌揭諸門遂以楞嚴爲名

祥符院在郡治西北二里

考證宋乾甯元年置爲水陸院大中祥符元年
賜今名舊爲律寺紹興二十五年守臣林衡奏
請改爲禪院

資聖院在郡治西北二里一十步

考證唐會昌五年建當年廢大中年間重置其
院在城外乾甯三年移入城內有唐宣宗書額
尙存

興聖禪院在郡治東北二百步

考證舊嘉興縣丞廳揮塵錄云宋孝宗誕育於此時有紅光燭天嘉定戊辰賜今額理宗御書流虹聖地興聖之寺八字寶祐年間因經回祿不存後再造未完

金明寺在郡治西南三里

考證宋乾道八年移請海鹽縣空閑金明寺額建開禧元年賜今名

寶花尼寺在郡治西南二百步

考證唐陸宣公宅也大厯中因女叔法興誦法華經感天花亂墜寶雨四下外祖祕書監遂捨

宅爲寺因名寶花法興亦爲尼

惠安尼寺在郡治西二百五十步

考證古傳蕭王捨宅爲之唐光化間名興善院
宋祥符元年改今名

多寶尼寺在郡治西南一里三十步

考證唐肅宗朝置本名甘露寺宋治平元年賜
今名

報天尼寺

考證宋郡守劉漢傑夢觀音因得女生數歲不
茹葷遂捨宅爲寺

松江府

普照寺在府西二百八十步

考證唐乾元中建名大明寺宋祥符閒改今額
寺有陸將軍祠世傳地本陸氏園亭因祠焉固
未可信嘉禾詩文謂陸機捨宅爲寺亦妄矣機
死於晉大安二年寺建於唐乾元閒豈得爲捨
宅乎恐子孫捨宅亦未詳晉史世說敘錄機之
子蔚夏同父遇害於洛中又機故宅在華亭谷
東崑山下非今邑中也寺有凡方天王祠吳越
王加封護國石刻存焉沈存中筆談載雷震天

王寺屋柱倒書曰高洞楊稚一十六人火令章
凡一十一字內令章兩字特奇勁似唐人書體
今石刻尙有卽此寺天王堂也寺東北隅有善
住教院傳賢首宗西北隅有梵修院

寶相寺在府西南三百步

考證本清禪尼寺唐乾符間造宋大中祥符元
年賜今額

超果寺在府西南三里

考證本名長壽唐咸通十五年心鏡禪師造按
唐會要洛陽伽藍記武后以齒髮旣老造長壽

寺於東都改元長壽又高僧傳載心鏡禪師藏
奩蘇州華亭人會昌廢寺大中復修洛下長壽
寺敕奩居焉奩後嘗歸鄉造寺豈此復名長壽
寺乎盧仝集訪曦上人詩有三入寺曦未來及
合曦答詩長壽寺石壁盧仝一首詩之語玉川
先生居洛城裏則長壽寺固其常遊也今乃以
仝詩爲在華亭則妄矣宋治平閒改今額有觀
音大士像寺有石刻云本錢武肅王宮中所祈
禱者太平興國中錢氏歸國僧慶依得之未知
所適一夕夢白衣人告曰吾與若偕之雲閒旣

寤乘舟而來將至縣西大士舒祥光下貫超果
遂迎以祠焉至今雨暘皆禱之寺有天台教院
按芝園集雲閒超果十方學校元張湛創建有
陳舜俞爲之記寺有見遠亭名公有詩

興聖院在府東南二百步

考證按孤山閒居集載興聖院結界序漢乾祐
二年邑人張瑗之子仁捨宅爲寺名興國長壽
宋祥符中改覺元院後改今額寺有宋仁宗嘉
祐中宣賜藏經

證覺教院在府西南一百五十步